

355.3

Խ-11

Ծ Ր Ա Ք Ի Ր

ԲԳԿԲ ԹԵԿՆԵԾՈՒՆԿԱՆ ԴՊՐՈՅԻ

1932-33 ՈՒՍՈՒՄՆԱԿԱՆ ՏԱՐՎԱ ՀԱՄԱՐ

ՊԵՏԶՐԱՑ—ՌԱԶՄԶՐԱՏՈՒՆ

30 SEP 2013

ԲԳԿԲ ՔԱՂՎԱՐԶՈՒԹՅԱՆ ԿՈՒՆՏ-ՊՐՈՊ ԲԱԺԻՆ

355.3

ru-11

uf

Ծ Ր Ա Գ Ի Ր

ԲԳԿԲ ԹԵԿՆԱԾՈՒՆԿԱՆ ԴՊՐՈՅԻ

1008
34601

1932-33 ՈՒՍՈՒՄՆՍԿԱՆ ՏԱՐՎԱ ՀԱՄԱՐ



ՊԵՏԱԿԱՆ-ՌԵԶԵՐՎԱԿԱՆ

1932

1 - Ի Ն Թ Ե Մ Ա

2-ՐԴ ԸՆԳԱՄՅԱԿԻ ՔԱՂԱՔԱԿԱՆ ՅԵՎ ՏՆՏԵՍԱԿԱՆ
ԽՆԴԻՐՆԵՐԸ

(Յերկու պարագմունք)

1. Ներածութիւն

Սոցիալիստական եկոնոմիկայի հիմքի կառուցման ավարտումը, յերկրի ներսում «սվ-ում» հարցի վճռական լուծումը հողուտ սոցիալիզմի և ԽՍՀՄ՝ վերջնական ամրացումը սոցիալիստական ճանապարհին, վորպես սոցիալիստական շինարարութեան կարեորագույն արդշունքն առաջին հնգամյակում: ԽՍՀՄ աղբարային յերկրից ինդուստրիալ յերկրի դառնալը և սեփական տեխնիկական բաղա ստեղծելը՝ յերկրորդ հնգամյակում ամբողջ ժողովրդական տնտեսութեան վերակառուցումն ավարտելու համար: Գործադրութեան լրիվ վերացումը: ԽՍՀՄ աշխարհում ամենախոշոր գյուղատնտեսութեան յերկրի վերածելը՝ կոլեկտիվացման, խորհանտեսութեան յերկրի ծափալման ու մեքենայական տեխնիկայի լայն կիրառման հիման վրա: Բանլոր դասակարգի ու կոշտնտեսական գյուղացիութեան դրութեան անընդհատ բարեշալումը:

Համաշխարհային տնտեսական ճգնաժամի հետագա խորացումը և կապիտալիզմի բոլոր հակասութեան չգնանըմաժ սրումը: Արտադրութեան կատաստրոֆիկ անկումը, գործադրութեան շտանշալմաժ աճումն ու աշխատաւորների աղքատացումը կապիտալի յերկրներում: «Կապիտալիզմի ստարիլիզացիան վերջացալ: Տեղի յե ունենում անցում դեպի պատերազմների ու հեղափոխութեան յերկրներն ու շինարարացիւմ և ճապոնական ու ֆրանսական իմպերիալիզմի ռազմատենչ քաղաքականութեամբ: Կապիտալիզմը մո-

տեցել և կատաստրոֆների, դատակարգային սուր ընդհանրումների, պատերազմի միջոցով աշխարհի նոր վերաբաժանման փորձերի շրջանին»:

Յերկու աշխարհի—յերկու սիստեմ: Կապիտալի յերկրներում տնտեսական խորագույն ճգնաժամը կապիտալիստական սիստեմի անճարակութեան պայծառ ապացույցն և: Բուրժուազիայի ճգնումը՝ ճգնաժամից դուրս դալու աշխատաւորների և՛ ավելի մեծ կողոպտման և նոր իմպերիալիստական պատերազմների ու ամենից առաջ՝ ԽՍՀՄ դեմ պատերազմի միջոցով: Միջադգային պրոլետարիատի պայքարը կոմկուսակցութեան յերկրի ղեկաւարութեամբ՝ ճգնաժամի հեղափոխական յերկրի համար: Մի չարք կապիտալիստական յերկրներում հեղափոխական ճգնաժամի նախադրյալների աճումը:

Սոցիալիզմի հաղթանակը ԽՍՀՄ մեջ պայծառ ապացույց և սոցիալիստական սիստեմի առաւելութեան յերկրի համար: ԽՍՀՄ վերջնականապես հաստատուել և սոցիալիստական ճանապարհին, ԽՍՀՄ համաշխարհային պրոլետարիատի հաղթանակին բրիգադն և:

17-րդ կուսկոնֆերանսի վորոշումներն հանդիսանում են յերկրորդ հնգամյակում անդատակարգ հաստարակութեան կառուցման ծրագիրը: 17-րդ կուսկոնֆերանսի վորոշումները համաշխարհային—պատմական նշանակութեան:

Խաղաղութեան մեր քաղաքականութեան ու կարմիր բանակի կորոմի ամրացման ինդիքները: «Ուրիշի հողից միջմի թիղ մենք չենք ուղում: Բայց և մեր հողը, միջմի վերջից մեր հողից մենք չենք տա ուրիշին» (Ի. Ստալին):

Պրոլետարիատի դիկտատուրայի հետագա ամրացման և պայքարի ծափալման անհրաժեշտութեան՝ ընդդեմ աջ թեքման, վորպես տոլայ կոպում զւխաւոր վտանդի և ընդդեմ հաշտիղականութեան:

2. Յերկրորդ հնգամյակի հիմնական փառափառական խնդիրները

«Կապիտալիստական տարրերի և ընդհանրապես դասակարգերի վերջնական վերացումը, դասակարգային տարրերությունն ու շահագործումն առաջացնող պատճառների լիակատար վոչնչացումը և կապիտալիզմի մնացորդների հաղթահարումն եկոնոմիկայում և մարդկանց գիտակցության մեջ, յերկրի ամբողջ աշխատավոր բնակչությանը սոցիալիստական անդասակարգ հասարակության գիտակից և ակտիվ կառուցողներ դարձնելը» — հա յերկրորդ հնգամյակի հիմնական քաղաքական խնդիրը :

Մարքս-Ենգելս-Լենինը կոմունիստական հասարակության յերկու Ֆազաների մասին : Սոցիալիզմն ու կոմունիզմն : Սոցիալիզմը վորպես կոմունիզմի առաջին Ֆազա : Դասակարգերի վոչնչացման ուղիները յերկրորդ հնգամյակում : «Արտագրության միջոցների մասնավոր սեփականությունը փոխելով ու դարձնելով այն համայնական և մտցնելով հասարակական-արտադրական սրոցեսի պլանաչափ կազմակերպում՝ ապահովելու համար հասարակության բոլոր անդամների բարեկեցությունն ու բարձրագույնի դարգացումը, սրոլետարիատի սոցիալական հեղափոխությունը կվոչնչացնի՝ հասարակության բաժանումն ըստ դասակարգերի և ալգոլիսով իսկ կադատի ամբողջ ճնշված մարդկությունը, քանի վոր վերջ կդնի՝ հասարակության մի մասի կողմից մյուս մասի ամեն սեռակ շահագործմանը» (Կուսակցության ծրագիրը) :

Սոցիալիստական ինդուստրացումն ու գյուղատնտեսության կոլեկտիվացումը դասակարգերի վոչնչացման ուղին են : Ինդուստրացման ու կոլեկտիվացման հաջողությունները : Սոցիալիստական սեկտորի բացարձակ ղերակշռությունը : Կապիտալիզմի արմատների վերջնական հատումը, գյուղում սոցիալիստական շինարարության ամուր հենարան ստեղծելը,

ՈՍՀՄ ամբողջ ժողովրդական տնտեսության տեխնիկական վերակառուցման ալարտման համար սեփական բազա ստեղծելը : Մի յերկրում սոցիալիզմ կառուցելու անհնարինության մասին հակահեղափոխական տրոցկիզմի թեորիայի անանկությունը :

Դասակարգային պայքարի սրման անխուսափելիությունն առանձին մոմենտներին և մանավանդ առանձին ուսյոններում ու սոցիալիստական շինարարության առանձին բնագավառներում, «բուրժուական աղղեցությունների պահպանման իսկ վորոշ դեպքերում նաև ուժեղացման անխուսափելիությունն աշխատավորների առանձին խավերի ու խմբակների վրա, դեռ յերկարատե ժամանակաշրջանի ընթացքում սրոլետարիատին խորթ դասակարգային աղղեցությունների սոցիոսկման անխուսափելիությունը բանվորների և մինչև իսկ կուսակցության մեջ» և ալգ առթիվ «սրոլետարիական գիկտատուրայի ամրացման և պայքարի հետագա ծավալման անհրաժեշտությունն ընդդեմ ոսլորտունիզմի, մանավանդ ընդդեմ աջ թեքման, վորպես տվյալ ետապում գլխավոր վտանգի» :

«Կուլակի՝ սոցիալիզմի մեջ ներաճման», սրոլետարիատի գիկտատուրայի որոք դասակարգային պայքարի մարեռ, յերկրորդ հնգամյակում «սլանային դարգացման» մասին աջ ոսլորտունիստական թեորիայի կուլակային եյությունը :

Պրոլետարիատի առաջապահ դերը սոցիալիզմի համար մղած պայքարում ու բոլոր աշխատավորների սոցիալիստական վերադաստիարակման մեջ : Նոր աշխատանքային կարգապահության դաստիարակումը, վորպես հիմք՝ ամբողջ աշխատավոր բնակչությանն անդասակարգ սոցիալիստական հասարակության գիտակից միկտիվ կառուցողներ դարձնելու համար : Ընկ. Ստալինի վեց ցուցումները, վորպես աշխատանքի ամենաբարձր արտադրողականության համար մղվող պայքարի ծրագիր :

Լենինյան կուսակցութեան ղեկավարութեան ղերն ու նշանակութեանը յերկրորդ հնդամյակի հիմնական քաղաքական խնդրի լուծման համար մղվելիք պայքարում :

3. Պրոլետարական պետութեան ու կուսակցութեան պահպանութեան ու հետագա ամրապնդման անհրաժեշտութեանը յերկրորդ հնգամյակում

Պրոլետարիատի ղեկատվութեան, վորպես բանվոր դասակարգի իշխանութեան, վորի խնդիրներն են.—1) բուրժուական պետական մեքենայի ջարդումն ու տապալված շահագործողների ճնշումը, յերկրի պաշտպանութեանը, այլ յերկրների պրոլետարիատի հետ կապերի ամրացումը, բոլոր յերկրներում հեղափոխութեան դարգացումն ու հաղթանակը : 2) պրոլետարիատի դաշինքի ամրացումն աշխատավոր մասսաների հետ, նրանց սոցիալիստական շինարարութեան գործին ներդրումը և այդ մասսաների պետական ղեկավարութեանը պրոլետարիատի կողմից : 3) սոցիալիզմի շինարարութեան կազմակերպումը, դասակարգերի վոչնչացումը և լրիվ սոցիալիստական հասարակութեան կառուցելը : Պրոլետարական ղեկատվութեան պետութեան ամրացումը սոցիալիզմի կառուցման շրջանում կարևորագույն խնդիրն է : Միայն կոմունիզմը միանգամայն կվերացնի պրոլետարական պետութեան լանհրաժեշտութեանը :

Պրոլետարական պետութեան ամեն կերպ ամրացումը, վորպես նրա վերացման միակ ուղին : «Պետական իշխանութեան ամենաբարձր դարգացումը՝ պետական իշխանութեան մահացման համար նախապայմաններ պատրաստելու նպատակով—ահա մարքսիստական ֆորմուլան» (Ստալին) :

Արտաքին ու ներքին այն պայմանները, վորոնք թեպետում են պրոլետարական պետութեան հետագա ե՛լ ամփոփ ամրացման անհրաժեշտութեանը յերկրորդ հնդամյակում : Կարմիր բանակի ամրացման խնդիրը :

Լենինն ու Ստալինը պրոլետարական պետութեան մահացման պայմանների մասին : Ընկ. Բուխարինի՝ պետութեան մահացման մասին թեորիայի ուղորդունիստական ելութեանը : Ընկ. Լենինի կողմից այդ թեորիայի քննադատութեանը : Համատարած կոլեկտիվացման ռայոններում խորհուրդների վերացման մասին «ճախական» առաջարկների ուղորդունիստական ելութեանը : Պրոլետարական ղեկատվութեան ամրացման ուղիները տվյալ ետապում :

Բայլենիկյան կուսակցութեան ու կուսակցութեան առաջնորդ ընկ. Ստալինի գլխավորած նրա լենինյան կենտկոմի դերը սոցիալիստական անդասակարգ հասարակութեան կառուցման խնդրի լուծման մեջ : Կուսակցութեան, վորպես սոցիալիստական շինարարութեան ու մասսաների սոցիալիստական վերադաստիարակման կազմակերպչի ու ղեկավարի, դերի բարձրացումը :

4. Յերկրորդ հնգամյակի հիմնական տնտեսական խնդիրը

Ժողովրդական ամբողջ տնտեսութեան տեխնիկական վերադասումն ապրտումը, վորպես յերկրորդ հնդամյակի հիմնական տնտեսական խնդիր :

Լենինն աշխատանքի բարձր արտադրողականութեան մասին, վորպես կապիտալիզմի դեմ սոցիալիզմի հաղթանակի հիմնական պայմանի : «Աշխատանքի արտադրողականութեանն այդ վերջնական հաջվով ամենակարևորն է, ամենազրկալիքն է նոր հասարակակարգի հաղթանակի համար» (Լենին) :

Ընկ. Ստալինի վեց պայմանների նշանակութեանը՝ աշխատանքի բարձր արտադրողականութեան հասնելու, յերկրորդ հնդամյակի սլանը կատարելու համար մղած պայքարում :

Տեխնիկայի տիրապետումը, պայքարը նոր խնդիրների կազմակերպի և աշխատավորների ամբողջ մասսայի

կուլտուրական մակարդակի համար մղվող պայքարը, վորպես կարևորագույն պայմաններ յերկրորդ հնգամյակի խնդիրները կատարման համար: Վորակային բարձր ցուցանիշներին համար, խոտանքի ու պարապուրդների դեմ մղվող պայքարի խնդիրները:

Արդյունաբերության ու տրանսպորտի վերակառուցումն աւարտելու ուղիները: Խորհրդային մեքենաշինարարության առաջատար դերը: Ելեկտրիֆիկացիայի ու քիմիայի զարգացման նշանակությունը Ժողովրդական տնտեսության վերակառուցման աւարտման մեջ: Ժողովրդական տնտեսության զարգացման բաշխիչական տեմպերը և տեխնիկական տնտեսական տեսակետից առաջավոր կապիտալիստական յերկրներին «հասնելու և նրանցից անցնելու» խնդիրը, վորպես ուղի ԽՍՀՄ տնտեսական անկախությունը վերջնականապես ապահովելու համար:

Գյուղատնտեսության վերակառուցման ուղիները: 1932-33 թ. թ. հիմնականում համատարած կոլեկտիվացման աւարտումը: Գյուղատնտեսության մեքենայացումը տրակտորի, կոմբայնի, ալտոմոբիլի լայն տարածման և ելեկտրականության հետզհետե արժատացման հիման վրա: Գյուղատնտեսության սոցիալիստական վերակառուցման նշանակությունը՝ քաղաքի ու գյուղի միջև ներհակության վերացման համար: Կոլտնտեսությունների կաղմակերպչական տնտեսական ամրացումը, վորպես տվյալ մոմենտի կարևորագույն խնդիր: Վճռական պայքարի անհրաժեշտությունը ընդդեմ կոլտնտեսությունների արտելային ձևից «ձախական» ցատկեր-անցնելու:

Բանվորների ու կոլտնտեսական մասսաների բարեկեցության արագ բարձրացումը պարապուրդական դասակարգային տարրերի վերացման և ամբողջովին աշխատավորների տնորինությունը հատկացվող Ժողովրդական յեկամտի ընդհանուր աճման հիման վրա: Յերկրորդ հնգամյակի վերջի

համեմատությունյամբ սպառման 2—3 անգամ աւելացման խնդիրը:

Կուսակցության կենտրոնի ու կառավարության վորոշումները՝ գյուղհարկի, հացամթերումների, մսամթերումների, կոլտնտեսությունների, կոլտնտեսականների ու մեքենատնտեսների առևտրի մասին, հեղափոխական որինակաւության և հասարակական (սոցիալիստական) սեփականության պահպանության մասին և նրանց նշանակությունը: Խորհրդային, վորի թվում նաև հոլտնտեսական, առևտրի հետագա ծավալումը, վորպես կարևորագույն լծակ՝ ամբողջ Ժողովրդական տնտեսության ել աւելի արագ բարձրացման և բանվորների ու կոլտնտեսական մասսաների բարեկեցության աճման համար: Վճռական պայքարի անհրաժեշտությունը՝ ամրացնելու և պահպանելու համար համայնական (սոցիալիստական) սեփականությունը, ընդդեմ համայնական սեփականության հափշտակողների, — Ժողովրդի թըընամիների, — և ընդդեմ սոսկուլյանտ առնող-ծախողների, համայնական գույքի հափշտակողների անմիջական դործակիցների:

Պայքարի խնդիրներն ընդդեմ խորհրդային առևտրի բուրժուական-նեպոմանական յեղաթուրումների և ընդդեմ հակարայելիկյան «ձախ» տենդենցների, վորոնք կամենում են «մթերափոխանակման» անցնել սոցիալիստական շինարարության արդեն իսկ տվյալ շըջանում: Դրամի դերը ԽՍՀՄ զարգացման ժամանակակից շըջանում: «Դրամի մահացման» վերաբերյալ «ձախ» ֆրազների ոսորոտունիստական բնույթը:

5. Յերկրորդ հնգամյակն ու յերկրի պաշտպանությունը

Յերկրորդ հնգամյակը, վորպես կապիտալիստական յերկրների ու դադութների բանվորների և աշխատավոր գյու-

դացիների հեղափոխականացման հուժկու զործոն: Կապի-
տալիստական յերկրների աշխատավորների մեջ համակրանքի
աճումը դեպի ԽՍՀՄ և նրանց պայքարը ԽՍՀՄ պաշտպանու-
թյան համար:

Նոր իմպերիալիստական պատերազմների և ԽՍՀՄ դեմ
ինտերվենցիայի պատրաստութունը: Սահմանների ջնջումը
խաղաղ դրության ու պատերազմի միջև, վորպես տվյալ
մոմենտի բնորոշ առանձնահատկութուն: «Ներսողում են
պատերազմի մեջ և պատերազմում են առանց բացահայտո-
րեն պատերազմ հայտարարելու» (Մոլոտով): ԽՍՀՄ դեմ
գլխավոր հարձակման անմիջական սպառնալիքը:

ԽՍՀՄ դեմ պատերազմի սպառնալիքն սպառնալիք և
ամբողջ համաշխարհային պրոլետարիատի համար: Կոմին-
տերնի պայքարը՝ ճշմարտության հեղափոխական յերթի համար:
Կարմիր բանակի ամբողջման խնդիրը, վորպես ներկա մոմեն-
տում կենտրոնական խնդիրներից մեկը: Յերկրորդ հնգա-
մյակը և ԽՍՀՄ պաշտպանութունը: Ամբողջ ժողովրդական
տնտեսության վերակառուցման ավարտումը, կապիտալի-
ստական տարրերի և ընդհանրապես դասակարգերի վոչնչա-
ցումը, վորպես վճռական պայման ԽՍՀՄ պաշտպանությու-
նը և՛ ավելի ամրացնելու համար:

2 - ր - Դ Թ Ե Մ Ա

ՄԱՐԿՍ-ԼԵՆԻՆ-ՍՏԱԼԻՆԻ ՈՒՍՄՈՒՆԻՔԻ ՀԻՄՈՒՆԻՔՆԵՐԸ
ՊՐՈԼԵՏԱՐԻԱՏԻ ՀԵՂԱՓՈՒՍԱԿԱՆ ԿՈՒՍԱԿՑՈՒԹՅԱՆ ՄԱՍԻՆ

(Յերկու պարագմունք)

1. Կուսակցությունը պրոլետարիատի առաջավոր ջոկատն
է ու դասակարգային կազմակերպության բարձրագույն ձևը:

Դասակարգն ու կուսակցությունը: Լենինն ու Ստալինը
կուսակցության մասին, վորպես կուսակցության առաջապա-

հի, վորպես նրա դասակարգային կազմակերպության բարձ-
րագույն ձևի:

Կուսակցությունը պրոլետարիատի առաջնորդն է իշխա-
նության գրավման ու սոցիալիզմի կառուցման համար մղած
պայքարում: Հեղափոխական թեորիայի նշանակությունն ու
նրա անխզելի կապը պրոլետարիատի դասակարգային պայքա-
րի հեղափոխական պրակտիկայի հետ:

Տարերայնությունն ու գլխակցությունը բանվորական
չարժման մեջ: Տարերայնության ու ինքնահոսի թեորիան,
վորպես յուրաքանչյուր ոպորտունիզմի հիմք: Լենինի ու կու-
սակցության պայքարը մենչևիկյան տարերայնության ու սո-
ցիալիստական դեմ՝ նախահեղափոխական շրջանում, վոր-
պես պայքար կուսակցության առաջապահի դերի համար:
Կուսակցությունը, վորպես պրոլետարիատի քաղաքական
առաջնորդ:

Կուսակցության պայքարն ոպորտունիզմի դեմ յերկու
ճակատով՝ Լենինյան կուսակցության համար կուսակցության
դերի ու դասակարգի հետ նրա ունեցած փոխհարաբերու-
թյունների հարցում: Աջ ոպորտունիստական ինքնահոսի թեո-
րիան ու պրակտիկան, վորպես կուսակցության դերի նսմա-
ցում սոցիալիստական շինարարության մեջ:

Հիմնական տարրերությունը կոմունիստական կուսակ-
ցության, վորպես նոր տիպի կուսակցության, և 2-րդ ին-
տերնացիոնալի կուսակցությունների միջև: Պրոլետարիատի
հեղափոխական կուսակցության վերաբերյալ Մարքս-Ենգելսի
ուսմունքի ել ավելի բարձր աստիճանի վրա բարձրացնելը Լե-
նինի ու Ստալինի կողմից: Համկոմկուսը (բ), վորպես նոր
տիպի կուսակցություն, պատերազմների ու պրոլետարական
հեղափոխության դարաշրջանի կուսակցություն:

2. Կուսակցութիւնը պրոլետարիատի դիկտատուրայի սխատեմունք

Կուսակցութիւնը վորպես «հիմնական ղեկավար ուժ պրոլետարիատի դիկտատուրայի սխատեմունք»։ «Հաղորդելի փոկերը» կուսակցութիւնից ղեկի մասսաները (խորհուրդներ, արհմիութիւններ, կոմսոմոլ, կոոպերացիա)։ Լենինն այդ մասսայական կազմակերպութիւնների նշանակութիւն մասին՝ պրոլետարիատի դիկտատուրայի ամրացման համար։ Անկուսակցական կազմակերպութիւններին կուսակցութիւն ցույց տված ղեկավարութիւն ձևերը։ Կուսակցութիւնն պայքարն ընդդէմ՝ Զինովեի կողմից պրոլետարիատի դիկտատուրան կուսակցութիւն «դիկտատուրայի» նույնացման։ «Կուսակցութիւնը կենսադործում է պրոլետարիատի դիկտատուրան։ Սակայն նա կենսադործում է այդ վոչ թե անմիջորեն, այլ արհմիութիւնների ոգնութեամբ, խորհուրդների ու նրանց ճյուղավորումների միջոցով։ Առանց այդ «հաղորդելի փոկերի» անհնար կլինէր փոքր ի շատե կայուն դիկտատուրա» (Ստալին)։ Հակահեղափոխական տրոցկիստական դրոպարտութիւնը պրոլետարիատի վրա կուսակցութիւն «դիկտատուրայի» մասին։ Տրոցկիստների հակահեղափոխական զրպարտութիւնը կուսակցութիւն տերմիդորյան վերստեման մասին և նրանց փորձերը կազմակերպելու յերկրորդ կուսակցութիւն պայքարելու համար պրոլետարիատի դիկտատուրայի դէմ։ Տրոցկիզմի վերածվելը հակահեղափոխական բուրժուադիայի ջոկատի ԽՍՀՄ դէմ մղած պայքարում։

Կուսակցութիւն մեջ «ճշման» ու «բյուրոկրատիզմի» վերաբերյալ տրոցկիստական զրպարտութիւն կրկնութիւնն աջ ոպորտունիստների կողմից։

Մեր կուսակցութիւնն պայքարը յերկու ճակատով, վորպես վճռական պայքարն սահմանելու և ամրացնելու համար կուսակցութիւնն լենինյան միասնութիւնը և բարձրացնելու

համար նրա դասակարգային մարտունակութիւնը։ Ֆրակցիոնականութիւնը, վորպես «միասնական կամքի ջլատում», դիկտատուրայի թուլացում ու քայքայում»։ 10-րդ կուսհամագումարի վորոշումները կուսակցութիւն միասնութիւն մասին։ Լենինի տահանջը՝ լիովին վոչնչացնելու ֆրակցիոնականութիւնը և անմիջապէս ցրելու համար առանց բացառութիւն բոլոր ֆրակցիաները՝ անմիջապէս և անպայման կուսակցութիւնից հեռացնելու սպառնալիքի տակ։ Կուսակցութիւն ղեկավար ղերի ամրացման խնդիրները ժամանակակից ետապում։

3. Կուսակցութիւնն ստրատեգիան ու տակտիկան, վորպես գիտութիւն պրոլետարիատի դասակարգային պայքարի ղեկավարութիւն մասին։

Պարագայի Մարքս-Լենինյան անալիզը, պատմական տվյալ ետապի՝ դասակարգային բոլոր շախերի ու հակասութիւնների, առանձնահատկութիւնների ու յուրահատկութիւն հաշվառումը—ստրատեգիական պլանների ու տակտիկական ղեկավարութիւն հիմքն են։

Մեր կուսակցութիւնն յերեք ստրատեգիական պլանը հեղափոխութիւնն զանազան ետապներում։ Ստրատեգիական պլանների փոփոխումը նայած հեղափոխութիւնն ետապների։

«Առաջին ետապ. 1903 թվից—1917 թվի փետրվարը։ Նպատակն էր՝ տապալել ցարիզմը, լիովին վերացնել միջնադարի մնացորդները»։

«Յերկրորդ ետապ. 1917 թվի մարտ—1917 թվի հոկտեմբեր։ Նպատակն էր՝ տապալել իմպերիալիզմը Ռուսաստանում և դուրս դալ իմպերիալիստական պատերազմից»։

«Յերկրորդ ետապը. սկսվել է հոկտեմբերյան հեղաշրջումից հետո։ Նպատակն է՝ ամրացնել պրոլետարիատի դիկտատուրան մի յերկրում, ոգտագործելով այդ յերկիրը վորպէս

հենակետ բոլոր յերկրներում իմպերիալիզմը տապալելու համար» (Ստալին) :

Տակտիկայի ու տակտիկական լողունքների փոփոխումը՝ նայած հեղափոխության մակընթացությունների ու տեղատվությունների, մի ստրատեգիական պլանի ներսում : «1903—1905 թ.թ. շրջանում կուսակցության տակտիկան յեղել է հարձակողական, քանի վոր հեղափոխության մակընթացությունն էր... 1907—1912 թ. թ. շրջանում կուսակցության տակտիկան ստիպված էր անցնելու նահանջի տակտիկային, քանի վոր այն ժամանակ մեղանում տեղի յեր ունենում հեղափոխական շարժման անկում, հեղափոխության տեղատվություն» (Ստալին) :

Լենին—Ստալինի ուսմունքը յուրաքանչյուր տվյալ մոմենտում գլխավոր ու հիմնական այն խնդրի ընտրության մասին, վորի լուծումը հանգիստանում է մնացած բոլոր խնդիրների լուծման բանալին : «Յուրաքանչյուր տվյալ մոմենտում պրոցեսների շղթայում այն հատուկ ողակի գտնելը, վորից կտոճելով կարելի յե պահել ամբողջ շղթան և նախապատրաստել պայմաններ ստրատեգիական հաջողության հասնելու համար» (Ստալին) :

Կուսակցության ու կոմիստերնի պայքարը յերկու ճակատով, վորպես նախապայման բայլչեիկյան ստրատեգիայի ու տակտիկայի հաղթանակի համար :

4. Բայլչեիզմի կազմակերպչական սկզբունքները

Կուսակցությունը, վորպես բանվոր դասակարգի ամենաառաջավոր, կազմակերպված ջոկատն ու նրա մարտական շտաբը, վորն անհրաժեշտ է պրոլետարիատին՝ զբաղվելու համար իշխանությունը և սոցիալիզմ կառուցելու համար : Լենինիզմի ծրագրային, տակտիկական ու կազմակերպչական սկզբունքների միասնությունը : Կուսակցության իդեալական

ու կազմակերպչական միասնությունը, վորպես հիմք նրա միաձուլության ու դասակարգային մարտունակության : Լենինն ու Ստալինը կուսակցության մեջ յերկաթե կարգապահության անհրաժեշտության և այդ կարգապահության կենսագործման պայմանների մասին : Ամենախիստ կարգապահության անհրաժեշտությունը կուսակցության մեջ պրոլետարիատի դիկտատուրայի շրջանում : Միասնության ու կարգապահության հատուկ նշանակությունը բանակային կուսակազմակերպության մեջ ու նրա համախմբումը կենտկոմի լենինյան դեկավարության շուրջը : Ֆրակցիոնականության ու լոմբադայնության հատուկ վտանգը ԲԳԿԻ կուսակազմակերպություններում :

Կենտրոնացման (ցենտրալիզմի) ու դեմոկրատիայի սկզբունքի միասնությունը բայլչեիկյան կուսակցության կազմակերպչական շինարարության մեջ : Լենինի ու Ստալինի պայքարը բայլչեիզմի կազմակերպչական սկզբունքների անստատուության համար բեղդեմ մենչեիզմի ու հակահեղափոխական տրոցկիզմի և Համկոմկուսի (ր) մեջ ոսկորտունիստական թեքումների : Կուսակցության կառուցման արտադրական սկզբունքը, վորպես պայքարի վճռական պայմաններից մեկը՝ պրոլետարիատի դիկտատուրայի ու սոցիալիզմի կառուցման համար, քանի վոր արտադրական սկզբունքն ապահովում է.—ա) կուսակցության ամենասերտ կապն անկուսակցական պրոլետարիական ամենալայն խավերի հետ. բ) մասսաների մորիլիզացիան պայքարելու կուսակցության գլխավոր գծի կենսագործման համար. գ) սոցիալիստական շինարարության նկատմամբ ոսկրատիվ կոնկրետ դեկավարությունը : Կուսակցության բլիշը, վորպես կուսակցական կազմակերպության հիմք :

Կուսակցության կառուցման բովանդակության հիմնական մոմենտները : Ով է համարվում կուսակցության անդամ և կուսակցության անդամ ընդունելու կարգը : Յերաչխալո-

բությունների նշանակութունը, յերաշխափորոշների պատասխանատվությունը յերաշխափորոշողների նկատմամբ: Կուսակցությունից հեռացնելու կարգը: Թեկնածվական ստաժի նշանակությունը: Թեկնածվական ստաժի ժամկետներն ընդունողների դանադան կատեգորիաների համար: Թեկնածուների պարտականությունները: Կուսակցության կազմակերպությունների կառուցվածքը (բջիջից մինչև կուսակցության համագումարը): Կուսբջիջի կազմակերպումը, դերն ու խնդիրները: Վերահսկիչ (կոնտրոլ) հանձնաժողովները, նրանց նշանակությունն ու խնդիրները: Փոխհարաբերությունները կուսկոմների ու վերահսկիչ հանձնաժողովների միջև: Կուսակցության տուժերի չափերն ու նրանց յենթարկման և կիրառման կարգը: Կուսակցական կազմակերպությունների դրամական միջոցների մասին: Անդամավճարների տալու պարտականությունը: Համկոմկուսի (բ) Ֆրակցիաներն արտադրական կազմակերպություններում: Փրակցիաներ կազմակերպելու ու նրանց ղեկավարելու կարգը: Նրանց խնդիրները: Փրակցիայի վորոշումների պարտադիր լինելը Ֆրակցիայի բոլոր անդամների համար՝ կիրառելու համար այդ վորոշումներն արտակուսակցական կազմակերպություններում:

Ներկուսակցական դեմոկրատիան, վորպես մեթոդ կուսակցական մասսաների ակտիվության բարձրացման ու կուսաշխատանքների կարեւորագույն հարցերի քննարկմանը նրանց ներգրավելու, նոր կադրերի դաստիարակման ու նրանց ղեկավար աշխատանքի առաջ քաշելու, սոցիալիստական շինարարության մեջ կուսակցության ղեկավար դերի բարձրացման համար:

Ինքնաքննադատությունը կուսակցության մեջ, վորպես մեթոդ մորիլիզացիայի յենթարկելու կուսակցական մասսաներին՝ պայքարելու կուսակցության գլխավոր դժի համար, կուսակցության լենինյան միասնության հետադաւարացման համար, ընդդէմ աջ ու «ձախ» ուղորտունիլմի: Ինքնաքննա-

դատությունը Կարմիր բանակում, վորպես մեթոդ ԲԳԿԻ մարտունակության բարձրացման համար:

Կուսաշխատանքի վերակառուցումը համաձայն սոցիալիստական շինարարության նոր խնդիրների: Վերակառուցման ուղիները: Լ՛նկ. Կադանովիչի ցուցումները:

Կուսակցական ապարատի դերը, վորպես կուսակցության կարեւորագույն ղեկի: Կուսապարատի նշանակությունը՝ պրոլետարիատի կողմից իշխանության նվաճման համար մղած պայքարի չրջանում, ինչպես նաև ծավալուն սոցիալիստական շինարարության ու դասակարգերի վերացման չրջանում: Կուսապարատի դերը կուսակցության մեջ լենինյան միասնության ու կարգապահության համար մղած պայքարում: Տրոցկու և տրոցկիստական-դինովյեւյան ուղղիցիայի հակահեղափոխական դրաքարությունը կուսապարատի դեմ: Կուսակցության յերիտասարդ սերունդը նրա լենինյան հին կադրերին հակադրելու Տրոցկու փորձի հակահեղափոխության բնույթը: Հին բայլչեիկյան կադրերի դերը կուսակցության կազմակերպման մեջ ու ուղորտունիլմի դեմ նրա մղած պայքարում:

Լենինն ու Ստալինը կուսակցության ու Կոմինտերնի առաջնորդներ:

Կենտկոմը, վորպես կուսակցության քաղաքական, թեորետիկ ու կազմակերպչական շտաբը:

Յ - Ր Դ Յ Ե Մ Ա

ԿՈՒՍՇԻՆԱՐԱՐՈՒԹՅԱՆ ՀԻՄՈՒՆԻՏԵՆԵՐԸ ԲԳԿԻ-ՈՒՄ

(Յերիւ պարապմունք)

1. Համկոմկուսը (բ) Կարմիր բանակի առաջնորդն ու կազմակերպիչն է:

Կարմիր բանակի պրոլետարիատի ղեկաւարտութիւնը



ե: Բուրժուական բանակը բուրժուազիայի տիրապետութեան գործիքն է, աշխատավորներին ճնշելու ու բռնադատ ասպարատի կարևորագույն բաղադրիչ մասն է: Կարմիր բանակի կազմակերպման դասակարգային սկզբունքները: ԲԳԿԲ պետկարմիր կազմերը. նրանց անձնուրաց նվիրվածութունը բանվոր դասակարգի ու նրա կուսակցութեան շահերին, նվիրվածութունը սոցիալիզմի շինարարութեան գործին: «Դասակարգային համախմբվածութունն ու սոցիալատական լուսավորութունը» (կուսակցութեան ծրագրից) վորպես Կարմիր բանակում ուսուցման ու դաստիարակութեան հիմք:

Կարմիր բանակի ինտերնացիոնալ բնույթը: Բոլոր ազգությունները հավասարությունը, վորպես Կարմիր բանակի շինարարութեան կարևորագույն հիմքը: Կարմիր բանակը բայլչեիկյան քաղաքական առաջնարդ գործըն է: Կարմիր բանակը խաղաղութեան ու միջազգային պրոլետարական հեղափոխութեան հենարանն է:

Կուսակցութեան ղեկավար ու կազմակերպչական դերը պրոլետարական պետութեան զինված ուժերի շինարարութեան մեջ: Կուսակցութեանը, վորպես Կարմիր բանակի հաղթանակների առաջնորդն ու կազմակերպիչը քաղաքացիական պատերազմի ճակատներում: Կուսակցութեան Կենտկոմի ղեկավար դերը Կարմիր բանակում: Լենինի ու Ստալինի դերը Կարմիր բանակի շինարարութեան մեջ ու քաղաքացիական պատերազմում նրա հաղթանակների կազմակերպման մեջ: Ընկ. Ֆրունզեյի և ընկ. Վորոշիլովի դերը քաղաքացիական պատերազմում ու Կարմիր բանակի շինարարութեան մեջ:

Կուսակցութեան Կենտկոմի և ընկ. Ստալինի դերը ԽՍՀՄ պաշտպանունակութեան և Կարմիր բանակի մարտական կորուսի ամրացման մեջ ժամանակակից ետապում: Ընկ. Վորոշիլովը, վորպես Կարմիր բանակի բայլչեիկյան առաջնորդ:

2. Կարմիր բանակի քաղաքական դեկլարաբյայն հիմունքները

Կարմիր բանակի մարտական կորուսի ամրացումը կուսակցութեան հիմնական խնդիրն է: Կուսքաղաշխատանքը ԲԳԿԲ-ում, վորպես կուսակցութեան ֆունկցիա: Բանակի ամբողջ կազմի համախմբումը բայլչեիկյան կուսակցութեան ու կուսակցութեան առաջնորդ ընկ. Ստալինի ղեկավարած լենինյան Կենտկոմի շուրջը: ԲԳԿԲ մարտիկներին ու պետկարմիր դաստիարակութեանը դասակարգային աշարջութեան ու կուսակցութեան ղեկավար դժի համար մղած պայքարում անհատութեան վրդով, սոցիալիզմի յերկրի պաշտպանութեան դուրս գալու մշտական պատրաստակամութեան վրդով: Հրամկաղմը, քաղապարատը, կուսկազմակերպութեանն ու կամսոմովը ԲԳԿԲ-ում:

Լենինն ու Ստալինը Կարմիր բանակի կարգադրահութեան նշանակութեան մասին: «Ով ամբողջովին և անձնվիրաբար չի ոգնում Կարմիր բանակին, չի պահպանում բոլոր ուժերով նրա կարգն ու կանոնն ու կարգապահութեանը—նա դավաճան է» (Լենին): Նորագույն ռազմական տեխնիկայի տիրապետումը, վորպես ժամանակակից ետապում ԲԳԿԲ մարտական պատրաստութեան կենտրոնական խնդիր: «Ռազմական տեխնիկայի տիրապետման միջոցով դեպի սակավ արյունով հաղթանակներ» (Վորոշիլով): Պայքարը տեխնիկայի տիրապետման համար, մարտական ու քաղաքական պատրաստութեան բարձր մակարդակի ապահովման համար, վորպես ԲԳԿԲ կուսքաղաշխատանքի կարևորագույն խնդիրներ:

Ձևվորական կարգապահութեան ամրացումը վճռական նախապայման է տեխնիկայի տիրապետման ու նրա խնամման համար, ԲԳԿԲ մարտական կորուսի հետագա բարձրացման համար: Պայքարը յերկաթե զինվորական կարգապահութեան համար՝ կազմակերպվածութեան ու պետկազմի կողմից պա-

հանձնարարության բարձրացման, նրա որինակելիության, յուրաքանչյուր կոմունիստի ու կոմյունիստականի որինակելիության հիման վրա, բանակային կուսակազմակերպության կենտրոնական խնդիրն է :

3. Կուսչխնարարությունը ԲԳԿԲ-ում

Բայժնելիովի կազմակերպչական սկզբունքները ԲԳԿԲ կուսակազմակերպության շինարարության հիմքն են : Դեմոկրատական կենտրոնացման սկզբունքի կիրառումը բանակային կուսակազմակերպություններում : Բանակային ղեկավարության միասնության, խիստ կենտրոնացման ու ղինվորական յերկաթե կարգապահության պահանջները և կուսակազմակերպության կազմակերպչական կառուցվածքի առանձնահատկությունները կարմիր բանակում : Կուսակցական ու պետական ֆունկցիաների համախմբումը քաղաքամիջիններում : Ներկուսակցական դեմոկրատիայի կիրառման ձևերը բանակում : Քաղաքամիջինների, միահարամանտարների ու կոմիսարների նշանակման սխեմներ : Կուսակցական հանձնաժողովների և ստորին կուսորդանների ընտրականությունը : Միահարամատարության դերը կուսակազմակերպության սխեմում : Կոմսոմոլի կառուցվածքի ու աշխատանքի առանձնահատկությունները Կարմիր բանակում : Ինքնաքննադատությունը ԲԳԿԲ-ում և կուսակազմակերպության նախաձեռնության ու ակտիվության ամեն կերպ ծավալման անհրաժեշտությունը՝ ամրացնելու համար Կարմիր բանակի մարտունակությունը :

Միահարամատարությունը ԲԳԿԲ-ում, վորնեւս կուսակցական ազդեցության ու կուսակցական-քաղաքական ղեկավարության ամրացման պայման բանակում : Կուսակցության պայքարն ընդդեմ հակահեղափոխական տրոցկիստական զրպարտության՝ Կարմիր բանակի ու նրա ղեկավարության դեմ : Բանակի ու նրա ղեկավար կազմերի դեմ տրոցկիստա-

կան զրպարտության կրկնությունն աջ ուղորտունիստների կողմից : Կուսակցության պայքարն ուղղվելուն հոսանքների փորձերի դեմ, վորոնք ձգտում էին «բանակի շարքերում արձագանգ դնել իրենց քաղաքական տրամադրություններին» (Վորոշիլով) : Ֆրակցիոնականության ու խմբակայնության հատուկ վտանգավորությունը բանակային կուսակազմակերպության շարքերում և միասնության ու միաձուլության հետադա ամրացման խնդիրը բանակային բայժնելիկների շարքերում՝ մեր կուսակցության լենինյան գլխավոր գծի հիման վրա :

Բանակային կուսակազմակերպության վերակառուցումը՝ համաձայն նոր խնդիրների : ԲՆԽՆԵՐԻ քարտուղարների Յ-բդ համաբանակային խորհրդակցության վորոշումներն ու նրանց նշանակությունը : Մարտական պատրաստության հարցերում հրամատարությանն ոգնելու խնդրի անխզելի կապը մարտիկի ու հրամատարի քաղաքական ու կուստորական դաստիարակության բարելավման խնդրի հետ : «Այդ յերկու խնդիրը մեր բանակում սերտորեն կապված են, ձուլվում են ի մի խնդրի, անջատել նրանց չի կարելի, մաս-մաս յուրաքանչյուրն առանձին լուծել այն չի կարելի : Հարկավոր է այդ յերկու խնդիրը լուծել, վորպես մի խնդիր» (Գամառնիկ) :

Կուսաշխատանքի ծանրության կենտրոնն ստորին ողակները տեղավորելը : Կենդանի ղեկավարությունը, ցուցադրանքը, աշխատանքի պլանայնացման բարելավումը, ստուգումն ու վերահսկողությունը, կոմունիստների ու կոմյունիստականների որինակելիությունը կարգապահության մեջ, մարտական ու քաղաքական պատրաստության մեջ, — այս բոլորը կուսաշխատանքի վերակառուցման հիմնական գծերն են : Առանձնապես կարևոր է ներկուսակցական աշխատանքի դերը :

17-րդ կուսակոնֆերանսի վերջումները, վորպես ԲԳԿԲ կուսակցական ու կոմյուրիտական մասսաների և ամբողջ կազմի դաստիարակութեան հիմք:

4 - Բ Դ Թ Ե Մ Ա

ԿՈՒՍԱԿՑՈՒԹՅԱՆ ՊԱՅԳԱՐԸ ՅԵՐԿՈՒ ՃԱԿԱՏԻ
ՎՐԱ ՅԵՎ ՀԱՇՏՎՈՂԱԿԱՆՈՒԹՅԱՆ ԴԵՄ

(Յերկու պարագմունք)

1. Պայքարը յերկու ֆակտի վրա մեր կուսակցութեան գարգացման որեւի՞ն է.

«Մեր կուսակցութեան ամբողջ անցյալը հանդիսանում է այն դրութեան հաստատումը, վոր մեր կուսակցութեան պատմութիւնը ներկուսակցական հակասութիւնների հաղթահարման և այդ հաղթահարման հիման վրա մեր կուսակցութեան անշեղ ամրացման պատմութիւնն է» (Ստալին): «Բայ՛չևիդմն աճել ու ամրացել է անխնա պայքար մղելով ընդդէմ բոլոր դուշներին ուրոտունիդի դէմ, վորի թվում նաև ցենտրիզմի դէմ Արեւմուտքում (Կաուցկի) և ցենտրիզմի դէմ մեղանում (Տրոցկի և այլն)» (Ստալին):

Բայ՛չևիկյան կուսակցութեան պայքարի նշանակութիւնը բանվորական շարժման ներսում յեղած թշնամիների ու կուսակցութեան ներսում յեղած թեքումների դէմ՝ ամրացնելու համար կուսակցութեան լենինյան միասնութիւնն ու նրա մարտունակութիւնը:

Ապրտունիստական թեքումների սոցիալական արմատները: Թեքումները մեր կուսակցութեան ներսում, վորպես արդյունք թշնամական դասակարգային ուժերի կողմից բանվոր դասակարգի ու նրա կուսակցութեան վրա դրժաղրած ճնշման: Թեքումների ու Ֆրակցիոն խմբավորումների վտան-

գը, մանաւանդ պրոլետարիատի դիկտատուրայի շրջանում: Կուսակցութեան պայքարը յերկու ճակատով ու հաշտվողականութեան դէմ, վորպես հիմնական նախապայման յերկրորդ հնդամյակում ԽՍՀՄ մեջ յիսկատար սոցիալիստական հասարակարգի կառուցելու համար:

Բայ՛չևիկների պայքարը մենչևիկների ու տրոցկիզմի դէմ 1905 թվի հեղափոխութեան շրջանում՝ բուրժուական-դեմոկրատական հեղափոխութիւնը սոցիալիստական հեղափոխութեան վերածելու լենինյան պլանի համար:

Պայքար հեղափոխական կուսակցութեան համար, կուսակցութեան ծրարի ու տակտիկայի համար, ընդդէմ մենչևիկ-լիկվիդատորների, ընդդէմ ցենտրիստների (Տրոցկի) և ընդդէմ «չուռ տված լիկվիդատորների» (ոտոզվիստներ) ուսակցիայի վերնաքի տարիներին: Պայքարը սոցիալ-չովի-նիդմի դէմ իմպերիալիստական պատերազմի տարիներին:

Կուսակցութեան պայքարը Կամենև-Չինովև-Ռիկովի դէմ Հոկտեմբերյան նախապատրաստութեան շրջանում և պրոլետարական հեղափոխութեան հաղթանակից հետո՝ իշխանութիւնը նվաճելու և կազմակերպելու հարցերի վերաբերյալ: «Չախ» կոմունիստների խմբակի (Բուխարին) և տրոցկիզմի դիրքը Բրեստի շրջանում և կուսակցութեան պայքարը նրանց դէմ: Կուսակցութեան պայքարը հակակուսակցական թեքումների դէմ Նեպին անցնելու շրջանում (10-րդ կուսհամագումար): Կուսակցութիւնը տրոցկիզմի դէմ մղած պայքարում 1923—1924 թ.թ.:

Կուսակցութիւնը տրոցկիզմի դէմ մղած պայքարում վերանորոգման շրջանում: Բայ՛չևիկների «վերադիման» վերաբերյալ Տրոցկու թեղիսի հակահեղափոխական ելութիւնը 1917 թվին: «Մի յերկրում սոցիալիզմ կառուցելու հնարավորութեան» ժխտումը, «վոր ծածկված եր համալսարհային հեղափոխութեան հաղթանակի մասին «հեղափոխական» Փրադով»: «Դյուղում սոցիալիստական շինարարութեան դր-

ծին գյուղացիութեան հիմնական մասսաներին ներգրավելու հնարավորութեան ժխտումը» (Ստալին)։ Կուսակցութեան մեջ յերկաթե կարգապահութեան անհրաժեշտութեան ժխտումը և կուսակցութեան մեջ ֆրակցիոն խմբավորումների աղա-տութեան ընդունումը—այս բոլորը հակահեղափոխական տրոցկիզմի բնորոշ դժերն են։ Կուսակցութեան մեղադրումը տերմիդորական վերասերման մեջ, վորպես տրոցկիստների հակահեղափոխական զրպարտութիւն լենինյան բայշչեիկյան կուսակցութեան դեմ։ «Կապիտուլանտութիւն գործով, վորպես բովանդակութեամբ, «ճախ» ֆրակցիոն ու «հեղափոխական» ամբողջութեամբ վարվեցողութիւն, վորպես ձև, վորը քողարկում է ու ռեկլամի յենթարկում կապիտուլյանտական բովանդակութիւնը,—այսպիսին է տրոցկիզմի ելու-թիւնը» (Ստալին)։

Բանվոր դասակարգին առաջնորդելու համար դեպի ամբողջ ճակատով սոցիալիզմի ծափալուն հարձակումը, «կադմակերպելու համար գյուղացիութեան մասսայական կոլտնտեսական շարժումը և վերացնելու համար կուլակութիւնը» հարկավոր էր թաղել տրոցկիզմի բուրժուական թեորիան՝ մեր յերկրում սոցիալիզմ կառուցելու անհնարինութեան մասին «հարկավոր էր թաղել տրոցկիզմի բուրժուական թեորիան այն մասին, թե անհնար է գյուղացիութեան աշխատավոր մասսաներին հաղորդակից դարձնել սոցիալիզմին»։ «Կուսակցութեան յերկաթե միասնութիւնը և կուսակցութեան մեջ պրոլետարական կարգապահութիւնն ապահովելու համար հարկավոր էր, ամենից սուտը, թաղել տրոցկիզմի կադմակերպչական թեորիան» (Ստալին)։

Տրոցկիզմը Համկոմկուտի (բ) ներսում հակակուսակցական հոսանքից հակահեղափոխական բուրժուազիայի առաջավոր ջոկատի վերածվելու։ «Տրոցկիզմը վաղուց արդեն դադարել է կոմունիզմի ֆրակցիան լինելուց։ Իրոք տրոցկիզմը հակահեղափոխական բուրժուազիայի առաջավոր ջոկատն է,

վորը պայքար է մղում կոմունիզմի դեմ, Խորհրդային իշխանութեան դեմ, ԽՍՀՄ մեջ սոցիալիզմի շինարարութեան դեմ» (Ստալին)։

2. Կուսակցութեան պայքարը յերկու ճակատի վրա ժամանակակից ետապում։

Ինդուստրացումն ու գյուղատնտեսութեան կոլեկտիվացումը; վորպես սոցիալիզմի կառուցման ուղի։ Դասակարգային պայքարի սրումը վերակառուցման շրջանում։ Աջ ոպորտունիզմը, վորպես գլխավոր վտանգ մեր կուսակցութեան ներսում ժողովրդական տնտեսութեան սոցիալիստական վերակառուցման շրջանում։

Աջ թեքման կողակային ելութիւնը։ Կուլակի՝ սոցիալիզմի մեջ խաղաղ ներածման թեորիան, վորպես աջ ոպորտունիստների գլխավոր դրույթներէից մեկը։ Աջերի պայքարն ընդդէմ՝ ինդուստրացման, խորժտնտեսական ու կոլտնտեսական շինարարութեան մեջ կուսակցութեան վերցրած տեմպերի։ Աջերի գլուխը դեպի լիբերալ թեորիան՝ գյուղացիութեան անընդհատ զիջումների, նրանց կողմից նեպի լենինյան հասկացողութեան խեղաթյուրումը և քաղաքի ու գյուղի միջև զոգման արտադրական նոր ձևերի խեղաթյուրումը։ Աջերի փորձերն սպեկուլյացիայի յենթարկելու տնտեսական դժվարութիւնները։ «Ծնւման» մեջ կուսակցութեան աջ ոպորտունիստների կողմից մեղադրելու հարադատութիւնը՝ կուսակցութեան ու նրա ապարատի դեմ տրոցկիստական զրպարտանքի հետ։ «Կադմակերպված կապիտալիզմի» Բուխարինյան թեորիայի սոցիալ-դեմոկրատական ելութիւնը։ Աջերի իդեական ներկցումը բուրժուական ռեստավրատորնների ծրագրին։ Աջերի ֆրակցիոն գործունեութիւնը Համկոմ-կուտի (բ) և Կոմինտերնի մեջ։ «Աջ թեքման հալթանակը մեր կուսակցութեան մեջ կնշանակէր բանվոր դասակարգի լիակատար զինաթափում, կապիտալիստական տարրերի զի-

նում գյուղում և կապիտալիզմի ռեստավրացիայի շանսերի աճում իՍՀՄ մեջ» (Ստալին)։ Այլ ուսիրտունիղմի Զախլախումը մինչև Համկոմկուսի (բ) 16-րդ համագումարը։ 16-րդ կուսհամագումարի վորոշումն աջ ուսիրտունիցիայի տեսակետներին անհամատեղելիությունը Համկոմկուսի (բ) պատկանելություն չան հետ։

«Ձախ» խոտորումները, վորպես փորձ «մեղանում վերականգնելու տրոցկիզմի տրադիցիաները գործնականում, վերականգնելու տրոցկիստական վերաբերմունքը դեպի միջին գյուղացիությունը» (Ստալին)։ Աջ-«ձախական» բլոկը (Սիրցով, Լոմինսկի և այլն) ու նրա աջ ուսիրտունիստական եյությունը։ Յերկերեսանիությունը, վորպես աջ-«ձախական» բլոկի պայքարի մեթոդ կուսակցության դեմ։

Ընկ. Ստալինի նամակը կուսակցության պատմության հարցերում տրոցկիստական և ամեն տեսակ կոնտրաբանդի դեմ պայքարի մասին և այդ նամակի նշանակությունը բարձրացնելու համար կուսակցական աշարջությունը տեսական ֆրոնտում և կուսակցության անդամների բաշչելիկյան դաստիարակության համար։

17-րդ կուսկոնֆերանսի վորոշումների համաշխարհային-պատմական նշանակությունը յերկրորդ հնդամյակում իՍՀՄ մեջ զասակարգերի վերացման և սոցիալիստական հասարակություն կառուցելու մասին։ «Դասակարգային պայքարի սրման անփութափելիությունն առանձին մոմենտներում և մանավանդ առանձին ռայոններում և սոցիալիստական շինարարության առանձին բնագավառներում», «բուրժուական աղդեցությունների պահպանման, իսկ վորոշ դեպքերում նաև ուժեղացման անխուսափելիությունն աշխատավորների առանձին խավերի ու խմբակների վրա, դեռ յերկար ժամանակվա ընթացքում պրոլետարիատին խորթ դասակարգային աղդեցությունների սողոսկման անխուսափելիությունը բանվորների և մինչև իսկ կուսակցության մեջ» և այդ առթիվ

«պրոլետարիատի դիկտատուրայի ամրացման և պայքարի հետագա ծավալման անհրաժեշտությունն պարտունիղմի և մանավանդ աջ թեքման դեմ, վորպես տվյալ ետապում գլխավոր վտանգի դեմ»։

Կապիտալիստական տարրերի մնացորդների դիմադրություն ձևերի, ինչպես նաև ուսիրտունիղմի արտահայտությունն առանձնահատկությունները ժամանակակից ետապում, յերկերեսանիություն, ալելույականություն, կուսակցության ու կառավարության վորոշումների բուրժուական խեղաթյուրումների փորձեր։ Կուսակցության պայքարն ընդդեմ՝ ընկ. Ստալինի վեց պայմանների ուսիրտունիստական թերադնահատման, ընդդեմ անտեսաշարիկի ու խորհրդային առևտրի բուրժուական խեղաթյուրումների, ընդդեմ կոլտնտեսություններից կուլակային տենդենցների, ընդդեմ կուսակցության կողմից սոցիալիստական շինարարության վերցրած տեմպերին դիմադրելու և աշխատանքը նոր ձևով վերակառուցել չցանկանալու։

Արդեն իսկ այժմ «մթերափոխանակման» անցնելու անհրաժեշտության մասին «ձախ» ֆրազի, դրամի մահացման և այլի հակաբայլչելիկյան բնույթը։ Վճռական պայքարի անհրաժեշտությունն ընդդեմ՝ արտելի, վորպես տվյալ ետապում կուտնտեսական շինարարության հիմնական ձևի, կազմակերպչական-տնտեսական ամրացման դեմ ցույց տված «ձախական» դիմադրության, ընդդեմ կոլտնտեսական առևտրի ծավալմանը ցույց տված դիմադրության։

Այլ թեքումը գլխավոր վտանգ և տվյալ ետապում ու յերկրորդ հնդամյակում։

Կուսակցության պայքարը յերկու ճակատով աղդային հարցի նկատմամբ կատարած թեքումների դեմ։ Դեպի վերկոոուսական չովինիղմը և դեպի տեղական նացիոնալիզմը ցույց տված թեքումների եյությունը։ Դեպի վերկոոուսական չովինիղմը կատարած թեքումը, վորպես աղդային հարցում

կուսակցութեան մեջ զբաղւոր վտանգ: Աղգային հարցում
յերկու թեքումների դեմ ու հաշտվողականութեան դեմ պայ-
քարի անհրաժեշտութիւնը վորպէս աղգային լենինյան քա-
ղաքականութեան կենսագործման վճռական պայման:

Ե Ր Դ Թ Ե Մ Ա

ՀԱՄԿ(Բ)Կ—ԿՈՄԻՆՏԵՐՆԻ ԱՌԱՋՆՈՐԴ
ՅԵՎ ԿԱԶՄԱԿԵՐՊԻԶ.

(Յերկու պարասմունք)

Բայլէիկյան կուսակցութեան պայքարի միջազգային
նշանակութիւնը՝ բանվոր դասակարգի բայլէիկյան ծրա-
դրի, տակտիկայի և կազմակերպման համար:

Բայլէիկներն աշխարհում միակ հեղափոխական կու-
սակցութիւնն են—նոր տիպի կուսակցութիւնն են, վորը
հենց իր գոյութեան սկզբից ՌՄԴԲԿ—ում և ամբողջ II Ինտեր-
նացիոնալում տանում եր ամեն տեսակ ոպորտունիզմի և
ցենտրիզմի մերկացման և նրանից անջատման դիմ:

«Ռուսական հեղափոխութիւնը յեղել և (մնում և) վոր-
պէս համաշխարհային հեղափոխութեան հանդուցային կէտ»:
«Ռուսական հեղափոխութեան արմատական հարցերը դրա
հետ միասին հանդիսացել են (հանդիսանում են և այժմ) հա-
մաշխարհային հեղափոխութեան արմատական հարցերը»
(Ստալին):

Բայլէիկները վորպէս աշխարհում միակ հեղափոխական
կուսակցութիւն, վորը նախապատրաստված ե ամբողջ պատ-
մութեան կողմից նրա համար, վորպէսզի դառնա համաշ-
խարհային կոմունիստական կուսակցութեան, նոր տիպի
կուսակցութեան—Կոմինտերնի կազմակերպիչն ու առաջնորդը:
Բայլէիկի մի պայքարը մենշէիկի և ցենտրիզմի դեմ (Տրոց-
կի և մյուսները) Ռուսաստանում, ոպորտունիզմի և ցենտ-

րիզմի դեմ (Կաուցկի) Արեւմուտքում, ձախ ոտդիկաչների ան-
հետևողականութեան և ցենտրիստական տատանումների դեմ
(Բ. Լյուքսեմբուրգ):

1914—18 թ. թ. պատերազմը: Յերկրորդ Ինտերնացիո-
նալի սնանկութիւնը: Յիմմերվալդէն ու Կինտալը, վորպէս
պայքարի ետապներ Կոմինտերնի ստեղծման համար: Պայ-
քար ցիմմերվալդյան ձախերի ներսում: Հոկտեմբերյան հաղ-
թական հեղափոխութիւնը, կատարված մեր կուսակցութեան
ղեկավարութեամբ Լենինի և Ստալինի զբաղւորութեամբ, և
այդ հեղափոխութեան միջազգային նշանակութիւնը:

Կոմկուսակցութիւնների առաջ դալը Հոկտեմբերյան
հեղափոխութիւնից հետո մի շարք կապիտալիստական յեր-
կըրներում: Կոմինտերնի կազմակերպման ձևավորումը Կո-
մունիստական Ինտերնացիոնալի 1-ին կոնգրեսում 1919 թ.:

Կոմունիստական Ինտերնացիոնալը վորպէս I Ինտերնա-
ցիոնալի միակ շարունակողը, վորպիսի Ինտերնացիոնալը
ղեկավարվում եր Մարքս—Ենգելսի կողմից և Յերկրորդ Ին-
տերնացիոնալի նախապատերազմյան լավագոյն տրագիկա-
ների ժառանգորդը: Լենինի պայքարը սոցիալ—դեմոկրատա-
կան դադափարախոսութեան դեմ Կոմինտերնում. Կոմինտեր-
նի շարքերի դռումը ժամանակավոր ուղեկիցներից: Կոմին-
տերնի մեջ մտնելու քսանմեկ պայմանների պատմական նշա-
նակութիւնը:

ԽՍՀՄ վորպէս համաշխարհային հեղափոխական շարժ-
ման կենտրոն: Պրոլետարիատի դիկտատուրան և սոցիալիզմի
հաղթանակը ԽՍՀՄ—ում—Կոմունիստական Ինտերնացիոնալի
ամուր բաղան են: Պրոլետարական հեղափոխութեան լենինյան
թեորիան և տակտիկան Կոմինտերնի ղեկավար սկզբունքն են:
Լենինը վորպէս Կոմունիստական Ինտերնոցիոնալի առաջ-
նորդ:

Կապիտալիզմի ընդհանուր ճգնաժամի դարդացման յերեք

ժամանակաշրջան և Կոմունիստական Ինտերնացիոնալի պայքարը յերկու ճակատի վրա :

Աջ և «ձախ» ուղորտունիստների և տրոցկիստների ջախջախումը Համ Կ(բ)Կ-ում և ջախջախման նշանակութունը Կոմունիստական Ինտերնացիոնալի համար : «Կադմակերպված» կապիտալիզմի թեորիայի մերկացումն ու սնանկությունը և այդ սոցիալ-ֆաշիստական թեորիայի և նրա բոլոր այլատեսությունների դեմ պայքարի նշանակութունը Կոմինտերնի շարքերն ամրացնելու համար :

Համաշխարհային տնտեսական ճգնաժամի հետագա խորացումն ու սրումը : Վերջ կապիտալիստական կայունացմանը (ստաբիլիզացիային) : Գործադրկության վիթխարի աճը և լայն աշխատավորական մասսաների սպառման խիստ նվազումը բացարձակ աղքատացման առնչությամբ : Կապիտալի հետագա հարձակումը բանվոր դասակարգի և դյուղի աշխատավորների կենսական մակարդակի վրա , քաղաքական հետադիմության (ոեակցիայի) ուժեղացումը (ֆաշիզմ) և նոր պատերազմների պատրաստությունը վորպես ճգնաժամից կապիտալիստական յեղբի միջոց :

Սոցիալիզմի շինարարության վիթխարի հաջողությունները ԽՍՀՄ-ում և ԽՍՀՄ աշխատավորների բարեկեցության անընդհատ աճումը : Կապիտալիստական աշխարհի և Խորհրդային Միության միջև հակասությունը—հիմնական համաշխարհային հակասություն և : ԽՍՀՄ դեմ աճող տեմպերով ինտերվենցիայի պատրաստությունը : Սոցիալ-ֆաշիզմի և հակահեղափոխական տրոցկիզմի դերը ԽՍՀՄ դեմ պատերազմի պատրաստության մեջ :

Հեղափոխական հզոր վերելքի աճումը կապիտալիստական յերկրներում և դադութներում , վորպես տնտեսական ճգնաժամի սրման և ԽՍՀՄ սոցիալիզմի աճման հետևանք : Քաղաքի և դյուղի լայն աշխատավոր մասսաների ներգրավումը հեղափոխական շարժման մեջ :

Հեղափոխական ճգնաժամի նախադրյալների հասունացումը մի շարք կապիտալիստական յերկրներում (Լեհաստան , Գերմանիա) : Կոմունիստական Ինտերնացիոնալի աճումը : Կոմկուսակցությունների կադմակերպումն աշխարհի համարյա բոլոր յերկրներում և նրանց քաղաքական ու կադմակերպչական աղղեցության ուժեղացումը (Գերմանիա , Լեհաստան , Չինաստան , Չեխո-Սլովակիա) :


Սոցիալ-ֆաշիզմի աղղեցության թուլացումը բանվորների մեջ , բանվորական մասսաների սոցիալ-ֆաշիստներից յեթեա դարձնելու պրոցեսի ուժեղացումը : Հետագա վճռական պայքարի անհրաժեշտությունը սոցիալ-ֆաշիստներին և մանավանդ նրանց «ձախ» մանյովրները մերկացնելու համար :

Բանվոր դասակարգի մեծամասնության նվաճումը կոմկուսակցությունների կողմը վարից միասնական ճակատի տակտիկական գործադրելու հիման վրա— ներկա մոմենտում Կոմունիստական Ինտերնացիոնալի բոլոր սեկցիաների կենտրոնական խնդիրն և : Յերկու ճակատի վրա հետագա վճռական պայքարի խնդիրը Կոմինտերնում , աջ թեքման դեմ , վորպես զխավոր վտանգի , ձախ ուղորտունիզմի և նրա նկատմամբ հաշտվողականության դեմ , վորպես վճռական պայման դեպի հեղափոխության կողմը բանվոր դասակարգի մեծամասնությունը դրավելու համար :

Յեղրայրական կոմկուսակցությունների պայքարի պայմանները և Համ Կ(բ)Կ փոքձի նշանակութունը նրանց համար : Պրոլետարական հեղափոխության և պրոլետարիատի գիկտատուրայի լենինյան թեորիայի , կուսակցության մասին լենինյան ուսմունքի և ԽՍՀՄ սոցիալիստական շինարարության պրակտիկայի նշանակութունը Կոմունիստական Ինտերնացիոնալի բոլոր սեկցիաների համար : Հոկտեմբրյան ապստամբության դասերի նշանակութունը միջազգային պրոլետարիատի և Կոմինտերնի համար : Կադմի բանակի ղինլած պայքարի փորձը և նրա նշանակութունը յեղրայ-

բական կոմկուսակցութիւններէ համար: Աղղային հարցի մասին լենինյան ուսմունքը կոմունիստական կուսակցութիւնների պայքարի ղեկն է պրոլետարական հեղափոխութեան և ճնշված աղղութիւնների հեղափոխական շարժման միջև կապի համար: ԽՍՀՄ ապագա միջաղղային փոխհարաբերութիւնների նախատիպն է պրոլետարական հեղափոխութեան հաղթանակից հետո: ԽՍՀՄ սոցիալիստական ուղու վրա վերջնականապես հաստատուելու միջաղղային մեծագույն նշանակութիւնը և XVII կուսկոնֆերանսի պատմական վորոշումների նշանակութիւնը: Այլ և «ձախ» ուղորտունիլմի դեմ Համ Կ(բ)Կ պայքարի նշանակութիւնը Կոմունիստական Ինտերնացիոնալի համար:

Համ Կ(բ)Կ ղեկավար դերը Կոմինտերնում: Ստալինը Լենինի մերձավոր զինակիցն է բայժէիկյան կուսակցութեան և Կոմինտերնի ստեղծման զործում, Համ Կ(բ)Կ-ի և Կոմինտերնի ու ամբողջ միջաղղային պրոլետարիատի առաջնորդն ու տեսարանն է:



Պետհրատի տպարան, Յերևան

ՀՀ Ազգային գրադարան



NL0217746

ԳԻՆԸ 25 ԿՈՂ.

41. 322